

須臾

禪

凡例

是書各篇或得之滇中藏書或北京舊書肆或日本圖書館或滇黔蜀湘浙贛人士鈔錄惠寄者彙集而成皆有關係文字二百餘年湮沒不彰雖字句抑揚間有未盡善處編者不敢妄易一字以昭信史亦足以覘前人一片苦心當時一般慘狀並雲南與全國之關係

一 各篇中有有圈點者有無圈點者一仍原本以存其真編者亦不敢妄行着墨

一 各篇有蟲蝕及模糊不明者編者亦不敢臆斷謹以口代之

原屬口者亦一仍口舊之

一 滇中歷史上之紀載最足爲吾人可歌可泣可驚可痛者甚多此特近數月中所搜集而得者我同胞篤愛歷史之本性誰不如我獲此拱璧其狂喜當何如悲憤當何如感想當何如必以其出現太晚搜集尙少爲恨海內藏書家後如有此類紀載冀割愛寄賜當以次彙集再行續出

戊申三月十八日

思茅呂志伊
騰越李根源

合識

原书缺页

原书缺页

慎粹目錄

序

求野錄

也是錄

永曆帝紀

附錄永曆帝貽吳三桂書

雲南世守黔甯王沐英傳附後嗣事略

征南將軍穎國公傅友德傳

雲南總兵劉綎傳

騰衝參將鄧子龍傳

金滄副使楊畏知傳

明華蓋殿大學士諡文襄楊一清傳

失

失

日本石村貞一元明清史略

日本丸山正彥著鄭成功傳

失

趙州師範先生著

無

失

楚雄李天秩先生叢稿

失

名

名

名

名

名

名

名

名

名

名

三保太監鄭和傳

山西巡撫孫繼魯傳

兵部尙書蘇遼總督傅宗龍傳

晉王李定國列傳

衛國公胡一青傳

南甯侯張先璧傳

諸生薛大觀傳

明京營副總兵申甫傳

林啟俊傳

文貞道傳

武風子傳

烏私泣集序

趙州師範先生著

直隸龐塏先生著

失名

永北劉彬先生遺稿

失名

失名

江南布衣宋潛虛先生著

汪琬先生著

昆明趙元祚先生撰

方咸亨先生撰

明季忠烈錄

丁亥紀略

熊元仲傳

李孝子傳

旅滇聞見隨筆

失

李

王

王

名

揆

訓

訓

思

思

思

滇粹

呂志伊
李根源
同輯

求野錄

失

名

順治十年戊戌正月永明王以原督師兵部尙書程源爲禮部尙書都御史錢邦芭掌

院事並賜吳毓貞范鑛等贈卹

鑛總督雲貴駐紮黔省時孫可望兩使李定國一使白文選將兵赴黔與鑛盟共伸倡義扶明之約鑛因從容爲定國文選開陳大義且曰萬一可望渝盟奈何定國曰可望扶明我則與之共事若其渝盟我則殺之無難也恢復中原之責有定國承擔乞無念迨後王入安龍可望強橫自恣無人臣禮文選燕見鑛有慚色邦芭巡撫四川時文選與忠國公王祥盟於烏江邦芭爲執牛耳後可望襲遵義王祥走死文選晤邦芭亦汗愧不能仰視邦芭曰非公賣國乃他人賣公耳因時開燕言王在安龍主辱臣死兩人泣數行下也于是文選對邦芭折箭自誓必殺可

望會定國敗於新會入安龍奉王出安南衛走雲南居間調護文選之力居多可望疑其有險謀奪其兵柄幽之別室而鑛已憤卒莫有爲之解者可望脅程源爲兵部尙書時邦芑爲僧矣亦傳之至授詹事府正詹兩人遂密連舊臣皆交歡可望鎮將此輩樸魯武人酒酣耳熱輒悉指可望罵曰剝一張賊皮又生一張賊皮耶源又乘間言於可望文選驍勇可用使功莫如使過文選得還兵權迨交水戰勝文選馬寶雖爲功首而開導於平日與離間逆黨奮發忠義於臨時鑛源邦芑其功咸不可泯至是皆旌之時馬吉翔用事頗忌源邦芑之來源功名自許入朝卽發吉翔奸狀吉翔喉言者劾源曾臣事可望非純臣源發憤杜門不視事邦芑雖掌憲而督理晉王李定國之軍事者爲金維新秩左都御史位在邦芑上以故都御史待命閣下不發邦芑亦鬱鬱浮沉而已毓貞與吉翔仇也鑛亦非吉翔所善贈卹皆不副所望公論惜之

二月 大軍取湖南入武靖沅辰遂至貴陽安順巡撫冷孟鋌死之

三月 大軍三路入雲南

四月 蜀王劉文秀薨

文秀之追可望至貴陽也盡收其潰兵可三萬人練以備邊漸有成局矣而晉王請召之還並召諸將之在邊者與從可望之南犯者論功罪爲分兵多寡之地是以邊警猝至兵失其將將不得兵迄於大潰文秀以正月還滇抑鬱不自得每長歎曰晉王必敗國事病革上遺表曰我怯虜勁事可預知臣精兵三萬人皆在黎雅建越之間嘗窖金二十萬臣將赦承裔知之臣死之後若有倉卒臣妻操盤匱以待臣子御羈勒以備督御請幸蜀以十三家之兵出營陝洛庶幾轉敗爲功恢復可望也

七月 晉王招討大元師李定國乘黃鉞出師

令李承爵出左路壁黃草壩祁三昇出中路壁雞公背白文選出右路壁遵義之孫界壩先由中路出關嶺後李承爵告急乃移師黃草壩有以兵事諫者曰守石

關一夫之力能制勝久之踰石關營於遮炎河祁三昇壁雞公背之絕頂糧少運艱士不宿飽孫界壩孤懸滇蜀之表聲援不及識者俱以爲憂

十月 晉王李定國有遮炎河之捷

十二月 晉王李定國兵潰於遮炎河

於是雞公背孫界 之師俱大潰

十五日 大兵入雲南王出奔

李定國與 大軍戰於遮炎河之右小勝遂不設備 大軍驟至壓其營而壘明日決戰南兵鎗砲北兵弓矢日中不決忽大風北來鎗砲失火其地山茅野草煙焰障天北兵乘風馳射定國軍大潰十三日定國變服還滇請王出走十四日王大集諸臣會議所之 王劉文秀之將陳建等舉文秀遺表請幸 定國曰蕞爾建昌何當十萬人之至不如南走緩出粵西急入交趾難之者曰 大軍乘勝踰黃草 則臨沅廣南道中斷且喪敗之後焉能整兵以迎方張之勢不可黔國公

沐天波進議曰自迤西達緬甸其地糧糗可資出邊則荒遠無際勢稍緩據大理兩關之險猶不失爲蒙段也王可其議明日遂發滇官兵男婦馬步從者數十萬人從古奔播未有若此之衆者時定國以重兵殿後國勢既搖人心思叛艾奇能之子承業糾狄三品等數人以驍卒千餘伏大寺中謀劫定國而北定國覘者知其謀以告十八日晡時定國遽率兵千人嚴隊西走承業等不敢追

順治十年己亥正月初四日王至永昌

王發滇時百官護從軍民泣隨者日行不過三十里其後兵士乏食取給民間供頓俱匱而庶僚貧病扃從離次不前者甚衆崎嶇過楚雄大理而定國亦至明日王行定國請堅守大理許之后數日白文選以孫界躡南潰之兵至列陣下關衆尙萬餘定國以數百騎赴之文選憤涕叱定國曰人主以全國全師恢復中原之重任付託於王一旦至此誰執其咎定國慟哭謂文選曰事既如此夫復何言惟本此孤忠願身一死以報君國以了此殘局文選收涕謝曰王許幾人死終何益

王行矣定國遂行又數日 本朝吳三桂追文選及之戰於下關又戰於丁當山
文選大敗死數千人南走入山 大軍遂攻破大理土民抗拒者被戮甚衆

晉王李定國敗績於磨盤山泰安伯竇民望死之 大軍竟逼騰越官民反抗者悉

被誅戮

先是定國聞文選敗遂渡潞江

即古怒江

至磨盤山下

即古羅岷山又名高黎貢

諸將他趨者皆會贖

兵萬人因設三伏以待之以泰安伯竇民望爲初伏廣昌侯高文貴爲二伏總兵
王國爲三伏令曰須敵至三伏舉礮首尾橫擊之 大軍至山下得降者盧桂生

言其計 大軍乃釋馬而步搜伏者望箐莽叢集中舉火礮兩發民望不得已舉

礮出戰三伏亦發礮趨下救之戰于山上短兵相接自卯迄午僵屍堵疊民望血
戰不已中流矢死之南兵氣沮猶據險而守相持接戰繼愛興阿大軍續至定國
軍死傷殆盡力不能支定國慟聲大哭遂踰險走問王安在知者曰王西行去走
騰越已二百餘里路界茶山緬甸之間定國曰我焉從從王而追者及之君臣俱

死無益也姑他往以圖再舉遂棄王而奔二十四日王南行尙未知磨盤之潰野次未定而總兵楊武至言定國兵敗遠逃追者將及王遂接浙而行時漸昏黑行數里失道迷大谷中其距故處僅一望宮人竄失公私囊橐多爲楊武劫奪

二十八日 扈衛靳統武引其從叛去

王以追兵迫急無地容足決意入緬遂出鉄壁關關外卽近緬地矣緬酋使至其自稱於國也曰金樓白象王蓋處則樓居出則乘象足不履地也進表天朝則稱緬甸宣慰使司臣某至是奉迎具表如常儀復奏曰大王遠臨百蠻驚畏請從官以下勿佩戎器馬吉翔傳旨從之諸從臣皆諫曰猛虎所以威百獸者以有爪牙故也奈何自棄其防以啓戎心不聽是日王至蠻莫緬人執禮甚恭並進衣食食物華亭侯王惟恭謀擁世子還入關由茶山出鶴麗不果

二月初一日 王至永次

緬人艤四舟以待王一妃及世子一司禮監李國泰一文安侯馬吉翔一浮水東

下卽大金沙江其南與海接古稱黑水此其一也從官無舟或水或陸聽自爲計
先在騰越從官以及婦寺等尙四千人及至蠻莫止二千四百五十餘人至是僅
九百四十六人而已

十八日 王至井梗

因緬人奏宮室未備故暫憩也

二十日 緬酋迎大臣議事

王遣馬吉翔弟雄飛及卽昌琦往及至通事傳語所問者皆神宗時事二人未習
中朝典故竟不能答緬人哂焉最後出神宗勅書相示其寶文較今微異以爲僞
又以黔國公沐天波征南將軍印驗之無異遂不言是役也行人不才遂開遠人
以不恭之漸

三月 黔國公沐天波等謀奉王往就晉王李定國之師不果

天波及綏甯伯蒲纓總兵王啓隆等謀奉王往孟艮以就定國馬吉翔不從遂止